


PATHIEN LOUPINA DING JIENG IN

Simmun 5: August 1, 2026





**“Chuti ahi jieh chun
naneh jong le,**

**nadon jong u le
nabol jouse u**

**Pathien loupina ding jieng
in bol un”**

(1 Corinth 10:31)

1 Corinth 7 apat hin Paul in masang jep a Corinth mite'n thudoh tampi ahin nei u (1 Cor. 7:1a) donbutna ngen asun e.

Hiche jieh hin bung 8 le 10 kah a Corinth mite milim hou thudol asut thupi pen ahivang in akahlah a thudoh adonbutna jong ajaosah ji e.

Athilsutna ahin ima jouse liekhu ding in kingailut le kijaboltuo ding thu ajaosah jing e; hichu houbung kipumkhat sah phapen chu ahi.

Hito kilhon chun thil ki bol jouse, houbung sung a hihen mimal a hi leh, Pathien loupina ding jieng a bol ding ase i e.



1 Corinth 8

Milim houna kinei nehthil
(Hetna le ngailut)

1 Corinth 9

Paul in achanvou nungsun
(Gospel chanvou ho)

1 Corinth 10:1-13

Milim houho gihsalna
(Phaat chesa kuon kihilna)

1 Corinth 10:14-22

Pakai khon leh thilha ho khon
(Milim hou haisan ding)

1 Corinth 10:23-33

Pathien loupina ding jieng a bol ding
(Dan toh kituoh, akilom tah ho)

HETNA LE NGAILUT

1 Corinth 8 (Milim houna kinei nehthil)

"Hetna vang hin mi kiletsah hoithona apien sah ji'n, ngailutna'n vang mi akhantou sah ji e." (1 Corinth 8:1b)

Paul in houbung chu "*ahat*" le "*alhasam*" ti'n "*ahomkhen*" e.

1 Corinth
8:4-7a

Ahat chun milim kisiemthu ima ahilou ahe'i, ajieh chu Pathien khat seh bou um a ahi.

Alhasam chun hiche thudol ahethiem thei poi.

1 Corinth
8:7b

Ahat chun milim houna kinei sa chu nehmo in asim poi, milim in sa asubuah poi ti ahe'i.

Alhasam chun hiche sa neh chu chonsiet in agel e.

Hinla ahat hon ahetna uva athilbol u alhasam in amu tieng akipalsah thei e (1 Cor. 8:10). Sopi angailut vang a aduchat chung a je akichan angai tai (1 Cor. 8:11-13).

Tahsanna pilhing nailou le khangtou pan (hetna lhasam nailai ho) kipalsah thei ahi tieng leh Christian ten hetna sang a ngailutna akhatna ikoi joh ding u ahi.



GOSPEL CHANVOU HO

1 Corinth 9 (Paul in achanvou nungsun)

"Hitobang a chu Kipana Thupha lhangsam hon jong Kipana Thupha a kuon a kivahhingna anei diuva Pakai in thu alhuhsah ahi." (1 Corinth 9:14)

Lhasam nalai ho angailut jie in Paul in chanvou thum anungsun e:



* Houbung in chopna apieh ding anungsun e. (1 Cor. 9:4)

➤ Pathien solchah ahi jal a ahoubung vetkol in neh le chah achoppih ding jieng jong chu anungsun e.



* Ajenle a pang ding ji nei ding jong anungsun e. (1 Cor. 9:5)

➤ Ngaina dol in, solchah ho chu ajite'u toh akilhon le un, ajite uvin ajenle un, akithopi ji uve. Amaho ho jong houbung in chopna apieh ji u ahi.



* Kimanchahna ding sum akilo ji e. (1 Cor. 9:6)

➤ Mite'n abaisa ne a amulouna diuvin Paul jong anatohna le ngaichatna man ding sum akilothu ji'n, mite vetlom hi ding atup jo'i.

Jesu'n gospel lhangsap ho gospel a kuon kivahna akimu diu ahi ati vang in Paul le Barnabas in tahsan chate ngaijangkhaina din hiche chanvou chu anungsun lhon tai (1 Cor. 9:12-14; Lk. 10:7).

PHAAT CHESA KUON KIHILNA


1 Corinth 10:1-13 (Milim houho gihsalna)

"Pathen lekhabu a, "Mipi chu anne ding le twi don din atouvun ahinla lam din akipatdoh kitta uve," tia kisun bang chun alah uva konkhat bang in lim siemthu doi houda uvin" (1 Corinth 10:7)






Exodus lekhabu thusim hi lhagaova eiho thusim jong ahi. Tuipi apal u jong eiho baptisma chan toh kibang ahi (1 Cor. 10:1-2).

Gamthip a neh le don abol u jong eiho Pakai Anthiengjon bol tobang, lhagaova Jesu tahsa le thisan ineh idon u tobang ahi (1 Cor. 10:3-4).



Kihongpha ute! Pathien toh akilhon jing lai un jong Israel te chonsietna'n alha un, milim hou le chonthanhuoi gei in abol kit ta uve. Hitobang eiho chung alhun louna din chingthei ute! (1 Cor 10:5-10).

Hijieh chun solchahpu'n mite gahchahna'n hitin ase tai: *"...koi hile ading a kigel an alhuh louna din chingthei hen"* (1 Cor. 10:12).



MILIM HOU HAISAN DING

1 Corinth 10:14-22 (Pakai khon leh thilha ho khon)

"Hiche jieh chun ka ngaitahte, doihou jamsan un." (1 Corinth 10:14)



Milim houna kimang sa neh a sietna umlou ahi leh iding a Paul in 1 Corinth 10:20 a hi nehmo bang a ase kit hin tem?

Insung a bel a kisuong sa neh chu asietna ima aumpon, ahin jalhang lah a milim houna kinei sa nehkhom vang chu tahsan loute chondan ahi jieh in, hitobang ho a kuon kikangse ding ahi.

Ajieh chu hitobang golnop kibolna chu tahsan nungsunna le milim houna natcho toh kisimtha ahi tai.

Pakai Anthiengjonna a panlah hin Christa tahsa (ahoubung) toh pumkhat eiso u ahin, milim doi houna a panlah hin thilha ho toh kithokhom ihi ti apuondoh ahi (1 Cor. 10:16-20).

Pakai Anthiengjon khon idop a, Jesu ivahchoi jing lai hin thilha ho dopsangna khon akidomkop thei poi (1 Cor. 10:21).



DAN TOH KITUOH, AKILOM TAH HO

1 Corinth 10:23-33 (Pathien loupina ding jieng a bol ding)

“Hiche a hin ne uvin don jong leu chun nabol jouse u Pathien loupina din bol uvin.” (1 Corinth 10:31)


“*Ijakai bolngai ahi*” akitin, ahinla aboncha khantouna ahi dieh poi.” (1 Corinth 10:23).

Vetsahna phatah ni:



Sa juoh hon milim houna kimang sa jong ajuoh un, akimang lou jong ajuoh uve. Tahsan cha khat chun sa hung kuonna adohle a, akhuolle a, dan toh kikal le nehmo ding ahisah lou ding ahi (1 Cor. 10:25).

Tahsanlou khat chun tahsan cha khat anne’n akouvin, aman jong ima thuphalouvin a an chu aneh pih tai (ijakai nehmo aumlou jie in), milim houna kimang sa ahunpih hijong leh inneipa kiphatlam sah louna din aneh pih tai. Hichu chondan kilom tah ahi.
(1 Corinth 10:27-29).



Hiche thudol kiseilona thungahna ni aum e: Ima jouse a Pathien loupina pieh ding (1 Cor. 10:31); midang dia thilpha ngaituo ding (1 Cor. 10:24, 32).

Hichu thildang jouse sang a Pathien ngailut joh ding, chuleh ihieng ikom eima bang a ngailut ding tina ahi.

“Solchahpu’n Corinth mite hitin ana hilchah e: “*Koi hi leh ading a kingaituo chun alhuh louna din chingthei hen*”. Chang kiseiphatna le kisuonna ahin nei a, limgeh a um le tao jing ding nahsahmo a akoi a ahi leh chonsietna lailung a lhalut ding, achung uva Pathien lungsatna akikoulhah ding u ahi. [...]

Paul in sopite chu amaho a kuon mite’n ipi mudoh le jildoh anei uvem, aseï abol un ipi atahlah em, tonglou thamlouva aum u pha hinam ti agel ding un aseipih e.

Thilse gellou hi jong leu milim houna le tahsan sukha thei thil aboldoh khah diu le akiven diuvïn ahilchah e. "*Hiche a hin ne uvin don jong leu chun nabol jouse u Pathien loupina din bol uvin. Judate hihen Greek miho hile chule Pathen Houbung mite dia kipallhuhna’n um da uvin.*"